

05 IULIE
RUGACIUNEA 3
SF.CUVIOASE-MUCENITE
ELISABETA TEODOROVNA
DE LA MOSCOVA

Молитва

О, пречудная и теплая молитвеннице наша, святая преподбномученице великая княгине Елисавето! Ты подвигом добрымъ подвизавшись, течение жития своего мученически скончала еси, веру же непорочну соблюла еси: сего ради уготовася тебе от Господа венец правды: дарова бо тебе Спаситель наш не точию еже в Него православно веровати, но и еже по нем благочестно пострадати: по смерти же сподоби тя предивным промыслением своим телом нетленным во святей земли погребенною быти, идеже Сам Подвигоположник твой во плоти пречистей пострадати изволи. Тамо же яви нам тебе пречудно, во одеяние иноческое, яко в броню правды облеченную, во свидетельство преподобия твоего, егоже злостраданием произвольным, терпением и

любовию стяжала еси, обновивши в себе неописанный образ Божий и украсивши его благоуханием чистоты и всякия добродетели, яко еще и в привременном странствии твоём многим удивлятися, зрящим телесную лепоту лица твоего, светом незримым благодати Божия преобразенную. Сего же несозданного Троическаго Света просвещения, достигнути сподоби молитвами твоими и нас, святая преподбномученице Елисавето, да оскверненныя грехи нашими ризы крещения покаяниемъ паки убелятся нам, да не извержени будем чертога небеснаго повелениемъ Судии Праведнаго. Многими даровании украшенная и многоплодна в делах благих явившаяся, укрепи и нас незримым твоим предстательством, дела света делати, дондеже свет долготерпения Божия светит нам, да не яко злии раби и лукавии, скрывшии талант свой в земли нерадения, правдою Божиею осудимся. Веру православную во стране Российстей обретшая и вся уставы святыя церкви облобызавшая, исповедания же своего не постыдевшаяся, аще и многою лжею, злобою и руганием испытание прияла еси: даруй и нам, да не постыдимся в роде сем прелюбодейнем и грешнем словесБожиих, хранимых безпорочно единою святою соборною и апостольскою церковию православною, да не постыдится и нас Господь,

егда приидеть во славе Своей судити миру
всему. Страждущим и скорбящим радость и
утешение в житии твоём бывшая, терпением и
кротостию дарование исцелений приявшая,
молимся тебе: елеем молитв твоих раны наша
душевные и телесныя исцели, паче же умягчи
сердца ожесточенная, да научимся немощи друг
друга носить и обиды повинным прощати,
чающе от Спасителя нашего улучшить и наших
многих согрешений прощение. Новое отечество
Россию обретшая и постигшая сию страну
скорби даже до конца понесшая, о людех же
российских, якоже о новом сродстве своем,
прилежно радевшая, и ныне молися пред
престолом Отца небеснаго, да не угаснет в
стране нашей светильник веры православныя,
да не покроет нас до конца тьма безбожия и
нестроения, да не будем умалени и расточени
праведным гневом Божиим, но паче да возсияет
на последок дний сих святая Русь православная,
не под спудомъ зловерия, но на свещнице
высоце благочестиваго жития поставленная, да
светит всей вселенней, собираючи во едино
стадо чад Божиих, малых же сих от сетей
соблазна и обольщения погибельнаго
избавляючи: да сеяние кровей мученических не
безплодно обрящется земли нашей, но да явит
миру zde источник реки спасительныя, текущая
в живот некончаемый, идеже и ты с лики

святых воспеваеши и молишися со Пресвятою и
премилостивою Владычицею нашею
Богородицею, прославяючи имя Божие, на
Негоже в житии твоём уповала еси, Отца и
Сына и Святаго Духа, ныне и присно и во веки
вековъ. Аминь.